

Meeqqat ilaqtariillu inuuniarnermikkut ajornartorsiuteqartut pillugit politikki 2020-2024

Aalajangiiffigisassaq

J.nr.: 42.00

Meeqqanut Ilaqtariinnullu Ingerlatsivik – Pisortaq Martha Lund Olsen / MLOL

Suliassamik eqikkaaneq

Meeqqanut Ilaqtariinnullu Ingerlatsivik, Meeqqat Ilaqtariillu inuuniarnermikkut ajornartorsiuteqartut pillugit politikki ilorinuuvoq. Meeqqanut Ilaqtariinnullu Ataatsimiititaq februaarip ulluisa 13-ianni 2020 politikkimik saqqummiussiffigineqarpoq, tassanilu politikki innuttaasunut tusarniaassutigineqassasoq aalajangerneqarpoq. Politikki tusarniaanermilu akissuteqaatit Kommunalbestyrelsimit isummerfigineqannginneranni, taakku Meeqqanut Ilaqtariinnullu Ataatsimiititami oqaluusereqqaarneqassapput, tamannalu pereerpat suliaq Aningaasaqarnermut Inuussutissarsiornermullu Ataatsimiititami ingerlateqqinneqassalluni.

Suliaq Meeqqanut Ilaqtariinnullu Ataatsimiititap septembarip ulluisa 17-ianni 2020-mi ataatsimiinnerani oqaluuserineqarpoq, ataatsimiititalu inassuteqaat akuersissutigaa suliarlu aalajangiiffigisassanngorlugu Aningaasaqarnermut Inuussutissarsiornermullu Ataatsimiititami kiisalu Kommunalbestyrelsimut ingerlateqqillugu.

Suliaq Aningaasaqarnermut Inuussutissarsiornermullu Ataatsimiititap 23.septembari 2020-mi ataatsimiinnerani oqaluuserineqarpoq, inassuteqaatigineqartoq ataatsimiititami akuersissutigineqarpoq suliarlu Kommunalbestyrelsimut aalajangiiffigisassanngorlugu ingerlateqqinneqarluni.

Inassuteqaat

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- politikki akuersissutigineqassasoq

Suliamik saqqummiussineq

Meeqqat Ilaqtariillu inuuniarnermikkut ajornartorsiuteqartut pillugit politikki piffissami maajip ulluisa 12-ianniit – juunip ulluisa arfineq-aappaata 2020-p tungaanut innuttaasunut tusarniaassutigineqarpoq. Nuummi, Tasiilami Paamiunilu innuttaasunik ataatsimiititsinerni politikki saqqummiunneqareerpoq. Meeqqanut Ilaqtariinnullu Ingerlatsivimmi pisortaq Tasiilami Nakuusap meeqqat Siunnersoqatigiiffianik aamma ataatsimeeqateqarpoq. Nakuusap Nuummi meeqqanut Siunnersuisoqatigiiffia piffissami tamatumani Meeqqanut Ilaqtariinnullu Ingerlatsivimmik ataatsimeeqateqarsinnaasimangilaq. Taakua kingusinnerusukkat tusarniaanermut akissuteqaatiminnik nassiussaqarput. Tamatuma saniatigut politikki kommunip qarasaasiakkut innuttaasunut tusarniaaffia Kommuneqarfiga aqqutigalugu pissarsiarineqarsinnaalerpoq. Tusarniaanermut akissuteqaatit (ilanngussaq takuuk) innuttaasunik ataatsimiititsinernit, Kommuneqarfigamit oqaaseqaatinit aammalu Nakuusamit pissarsiarineqarput.

Aaqqiissutissatut siunnersuut – suliatigut naliliineq

Meeqqanut Ilaqutariinnullu Ingerlatsiviup innersuussutigaa, politikki maanakkut isikkuatut akuersissutigineqassasoq, aammalu tusarniaanermi akissuteqaatit meeqqat ilaqutariillu inuuniarnermikkut ajornartorsiuteqartut pillugit suliniutissanik nutaanik pissarsiffiusinnaanersut misissoqqissaarneqassasut. Tamatuma saniatigut Meeqqanut Ilaqutariinnullu Ingerlatsiviup innersuussutigaa, Kommuneqarfik Sermersuumi ingerlatsivinni tamani meeqqanut ilaqutariinnullu tamanut atuuttussamik politikkiortoqassasoq.

Aningaasatigut sulisoqarnikkullu naliliinerit

Pisariaqanngilaq.

Inatsisitigut tunngavissaq allakkallu tunngaviusumik uppersaataitallit

- Meeqqat tapersorsorneqarnissaannut Inatsisartut inatsisaat nr. 20, 26. juni 2017-imeersoq, § 3, imm. 3.

Ingerlariaqqinnissaq

Meeqqanut Ilaqutariinnullu Ingerlatsiviup tusarniaaneri akissuteqaatit taakkunungalu tunngatillugu ataatsimiititap aalajangiinera Kommunalbestyrelsip tullianik ataatsimiinnissaanut Kommunalbestyrelsimut saqummiutissavai.

Aningaasaqarnermut Allatseqarfimmit oqaaseqaatit

Pisariaqanngilaq.

Innuttaasunik peqataatitsineq/attaveqaqatigiinneq

Innuttaasunik peqataatitsineq Nuummi, Tasiilami Paamiuni innuttaasunik ataatsimiititsinikkut ingerlanneqarpoq, Nakuusa ataatsimeeqatigineqarpoq aammalu kommunip qarasaasiakkut innuttaasunik peqataatitsisarfia, Kommuneqarfiga aqutugalugu peqataatitsisoqarluni.

Ingerlatsivinnit allaniit oqaaseqaatigineqartut

Pisariaqanngilaq.

Siusinnerusukkat aalajangiinerit

Meeqqanut Ilaqutariinnullu Ataatsimiititap 17. september 2020-mi aalajangiinera:

Inassuteqaat akuersissutigineqarpoq.

Aningaasaqarnermut Inuussutissarsiornermullu Ataatsimiititap aalajangeri ulloq 23.septembari 2020-meersoq:

Inassuteqaat akuersissutigineqarpoq.

Ilanngussat

1. Meeqqat ilaqutariillu inuuniarnermikkut ajornartorsiuteqartut pillugit politikki - tusarniaanermi akissuteqaatit (innuttaasunik ataatsimiititsinerit + Kommuneqarfiga)
2. Meeqqat ilaqutariillu inuuniarnermikkut ajornartorsiuteqartut pillugit Politikki - tusarniaanermi akissuteqaat (Nakuusa)
3. Meeqqat Ilaqutariillu inuuniarnermikkut ajornartorsiuteqartut pillugit politikki 2020-2024